

বাংলাদেশ স্কাউটস এর গঠন ও নিয়ম

২৩। জাতীয় নির্বাহী কমিটি

বাংলাদেশ স্কাউটসের একটি জাতীয় নির্বাহী কমিটি থাকবে। এ কমিটি জাতীয় কাউন্সিলের পক্ষে প্রশাসনিক ব্যাপারে সর্বোচ্চ নির্বাহী পরিষদ হিসেবে কাজ করবে।

নিম্নলিখিত সদস্যদের নিয়ে জাতীয় নির্বাহী কমিটি গঠিত হবে—

- (ক) সভাপতি
- (খ) সহ-সভাপতিগণ
- (গ) প্রধান জাতীয় কমিশনার
- (ঘ) কোষাধ্যক্ষ
- (ঙ) জাতীয় কমিশনারগণ
- (চ) উপাচার্য, জাতীয় বিশ্ববিদ্যালয়
- (ছ) মহাপরিচালক, মাধ্যমিক ও উচ্চ শিক্ষা অধিদফতর
- (জ) মহাপরিচালক, প্রাথমিক শিক্ষা অধিদফতর
- (ঝ) মহাপরিচালক, কারিগরি শিক্ষা অধিদফতর^৪
- (ঞ) মহাপরিচালক, মাদরাসা শিক্ষা অধিদফতর^২
- (ট) সকল মাধ্যমিক ও উচ্চ মাধ্যমিক শিক্ষা বোর্ডের চেয়ারম্যান
- (ঠ) চেয়ারম্যান, বাংলাদেশ মাদরাসা শিক্ষা বোর্ড
- (ড) শিক্ষা মন্ত্রণালয়ের একজন প্রতিনিধি (উপ-সচিব পদমর্যাদার নিচে নয়)
- (ঢ) জাতীয় নির্বাহী কমিটি কর্তৃক কমপক্ষে ১ জন মহিলা সদস্যসহ^৩ ৩(তিন) জন সহযোজিত সদস্য
- (ণ) জাতীয় নির্বাহী কমিটির জন্য ৬ অঞ্চলের ৬ জন কাউন্সিলর প্রতিনিধি নির্বাচিত হবেন। পরবর্তী মেয়াদে বাকী ৬ অঞ্চলের ৬ জন কাউন্সিলর প্রতিনিধি নির্বাচিত হবেন। ফলে পূর্ববর্তী মেয়াদে নির্বাচিত ৬ জন কাউন্সিলরের পদ শূন্য হবে^৫
- (ত) সকল আঞ্চলিক স্কাউটস থেকে দু'জন করে সদস্য (আঞ্চলিক কাউন্সিল কর্তৃক মনোনীত একজন এবং আঞ্চলিক কমিশনার)
- (থ) নির্বাহী পরিচালক।
- (দ) রোভার স্কাউটদের মধ্য থেকে পিআরএস যোগ্যতাসম্পন্ন এবং সিনিয়র রোভার মেটের দায়িত্ব পালন করেছে এমন ১ (এক) জন ছেলে রোভার স্কাউট এবং ০১ (এক) জন মেয়ে রোভার স্কাউট সর্বোচ্চ ১(এক)

বাংলাদেশ স্কাউটস এর গঠন ও নিয়ম

বছরের জন্য জাতীয় নির্বাহী কমিটির সদস্য হবে (এই সদস্য পদ পূরণের জন্য বাংলাদেশ স্কাউটস, রোভার, রেলওয়ে, নৌ ও এয়ার অঞ্চল থেকে প্রাপ্ত তালিকার ভিত্তিতে জাতীয় সদর দফতর মনোনয়ন চূড়ান্ত করবে)।*

২৪। নির্বাহী কমিটির কার্যাবলী

জাতীয় নির্বাহী কমিটি নিম্নরূপ কার্য সম্পাদন করবে :

- (ক) বিশ্ব স্কাউট আন্দোলনের আদর্শে সমগ্র বাংলাদেশ স্কাউট কার্যকলাপের সমন্বয় সাধন;
- (খ) জাতীয় কাউন্সিলের নীতি ও প্রস্তাব বাস্তবায়ন;
- (গ) বাংলাদেশ স্কাউটসের তহবিল, সম্পত্তি এবং সংগঠনের প্রশাসনিক দায়িত্ব সম্পাদন;
- (ঘ) সংগঠনের বার্ষিক বাজেট অনুমোদন;
- (ঙ) জাতীয় কাউন্সিল সভায় পেশ করার জন্য বার্ষিক রিপোর্ট এবং নিরীক্ষিত হিসাব বিবেচনা;
- (চ) তহবিল পরিচালনার জন্য জাতীয় কাউন্সিলের অনুমোদন সাপেক্ষে বিভিন্ন উপবিধি প্রণয়ন;
- (ছ) স্কাউট আন্দোলনের অগ্রগতি, সম্প্রসারণ, প্রশিক্ষণ, প্রোগ্রাম আধুনিককরণ, উন্নয়ন ও স্বল্পমেয়াদী পরিকল্পনা প্রণয়ন, বাস্তবায়ন ও মূল্যায়ন;
- (জ) পঞ্চবার্ষিক ও প্রেক্ষিত পরিকল্পনা প্রণয়ন;
- (ঝ) প্রয়োজনমত বিশেষ বিশেষ কাজের জন্য বিভিন্ন কমিটি বা টাস্কফোর্স গঠন;
- (ঞ) অঞ্চল, জেলা এবং উপজেলা/থানা স্কাউটসগুলো, বিশেষ করে গ্রামাঞ্চলের স্কাউট দলসমূহ পরিদর্শন, স্কাউট আন্দোলন জোরদার করার লক্ষ্যে তাদের কার্যকলাপের উন্নয়ন ও সম্প্রসারণে প্রয়োজনীয় সাহায্য সহযোগিতা ও উপদেশ প্রদান এবং প্রশিক্ষণে সাহায্য করার যাবতীয় ব্যবস্থা গ্রহণ;
- (ট) জনসাধারণের আগ্রহ ও লিডারদের জ্ঞাতার্থে বাংলা ভাষায় স্কাউটিং সংক্রান্ত বিভিন্ন পুস্তক-পুস্তিকা, মাসিক পত্র, সাময়িকী, প্রচারপত্র মুদ্রণ ও বিতরণসহ স্কাউটিং এর যথাযথ ভাবমূর্তি নির্মাণের লক্ষ্যে সকল প্রকার জনসংযোগমূলক কার্যক্রম;

বাংলাদেশ স্কাউটস এর গঠন ও নিয়ম

- (ঠ) বিশ্ব স্কাউট সংস্থা এবং বিশ্ব স্কাউটিং সংক্রান্ত কার্যাবলী প্রচারের ব্যবস্থা গ্রহণ;
- (ড) স্কাউট প্রোগ্রাম সময়োপযোগী করে তোলা ও সিলেবাস, ব্যাজ ইত্যাদির উদ্ভাবন, প্রস্তুত ও বিতরণ;
- (ঢ) লিডার সম্মেলন, মুট, জামুরী, ক্যাম্পুরী ও র্যালী ইত্যাদি স্কাউট প্রোগ্রাম এবং স্কাউট লিডারের পুনর্মিলনের আয়োজন।

২৫। জাতীয় নির্বাহী কমিটির সভা

- (ক) নির্বাহী কমিটি প্রতি তিন মাসে অন্তত একবার সভায় মিলিত হবে। সভার আলোচ্যসূচি, স্থান, তারিখ ও সময় ইত্যাদি উল্লেখ করে সভার অন্তত ৭ (সাত) দিন আগে সদস্যদের কাছে লিখিত নোটিশ প্রেরণ করতে হবে।
- (খ) জরুরি প্রয়োজনে সভাপতি অথবা তাঁর অনুপস্থিতিতে সহ-সভাপতি বা প্রধান জাতীয় কমিশনারের নির্দেশে ২৪ ঘণ্টার লিখিত নোটিশ দিয়ে কমিটির জরুরি সভা ডাকা যাবে।
- (গ) সাধারণ ও জরুরি সভায় নির্বাহী কমিটির এক-তৃতীয়াংশ সদস্যের উপস্থিতিতে কোরাম হবে।
- (ঘ) সুনির্দিষ্ট প্রয়োজনে জাতীয় নির্বাহী কমিটির মোট সদস্যের অর্ধেক সংখ্যক সদস্য তলবী সভা ডাকার প্রস্তাব করতে পারবেন। এ ধরনের প্রস্তাব পাওয়ার ১৪ (চৌদ্দ) দিনের মধ্যে সভাপতি ও প্রধান জাতীয় কমিশনারের সাথে আলোচনাক্রমে সভার স্থান, তারিখ, সময় ও আলোচ্যসূচি উল্লেখ করে নির্বাহী পরিচালক তলবী সভা ডাকবেন। নির্ধারিত সময়ের মধ্যে নির্বাহী পরিচালক তলবী সভা ডাকতে ব্যর্থ হলে প্রস্তাবকারীগণ নিজেরাই তলবী সভা আহ্বান করতে পারবেন। মোট সদস্যের তিন-চতুর্থাংশের উপস্থিতিতে তলবী সভার কোরাম হবে। কোরাম সংখ্যক সদস্য উপস্থিত না হলে সভা বাতিল বলে গণ্য হবে।
- (ঙ) নির্বাহী কমিটির কোন সদস্য কোন কারণ না দেখিয়ে পর পর তিনটি-সভায় অনুপস্থিত থাকলে তার সদস্য পদ বাতিল হতে পারে।

২৬। চীফ স্কাউট

- (ক) গণপ্রজাতন্ত্রী বাংলাদেশের রাষ্ট্রপতি পদাধিকারবলে বাংলাদেশের চীফ স্কাউট। তিনি বাংলাদেশের স্কাউট আন্দোলনের প্রেরণা ও উদ্দীপনার

বাংলাদেশ স্কাউটস এর গঠন ও নিয়ম

মূল উৎস। চীফ স্কাউট ইচ্ছা করলে এর যে কোন সভা এবং অনুষ্ঠানে যোগদান করতে পারবেন।

- (খ) যে কোন স্থানে ও সময়ে তিনি জাতীয় কাউন্সিলের সভা ডাকতে এবং সেই সভায় সভাপতিত্ব করতে পারবেন।
- (গ) 'গঠন ও নিয়ম' এর বিধি মোতাবেক স্কাউট সংগঠন সম্পর্কে তাঁর সিদ্ধান্তই চূড়ান্ত বিবেচিত হবে।
- (ঙ) জাতীয় কাউন্সিলের সুপারিশক্রমে তিনি তাঁর স্বাক্ষরিত সনদপত্র দ্বারা প্রধান জাতীয় কমিশনার নিয়োগ করবেন।
- (চ) প্রধান জাতীয় কমিশনারের সুপারিশক্রমে তিনি নিজ স্বাক্ষরে জাতীয় কমিশনার এবং আঞ্চলিক কমিশনারদের সনদ দেবেন।
- (ছ) প্রধান জাতীয় কমিশনারের সুপারিশক্রমে তিনি প্রেসিডেন্ট'স স্কাউট ও প্রেসিডেন্ট'স রোভার স্কাউট অ্যাওয়ার্ড প্রদান অনুমোদন করবেন এবং তাতে স্বাক্ষর করবেন।

২৭। সভাপতি

বাংলাদেশ স্কাউটসের একজন সভাপতি থাকবেন। তিনি জাতীয় কাউন্সিল কর্তৃক ত্রৈ-বার্ষিক সাধারণ সভায় নির্বাচিত হবেন। তিনি জাতীয় কাউন্সিল এবং জাতীয় নির্বাহী কমিটির সভায় সভাপতিত্ব এবং সভার কার্যবিবরণী অনুমোদন করবেন। 'গঠন ও নিয়ম' এর কোন ধারার ব্যাখ্যার প্রয়োজন হলে তাঁর ভাষ্যই চূড়ান্ত বলে বিবেচিত হবে।

২৮। সহ-সভাপতি

বাংলাদেশ স্কাউটস-এর ৪ (চার) জন সহ-সভাপতি থাকবেন। এ মধ্যে (১) সচিব, মাধ্যমিক ও উচ্চ শিক্ষা বিভাগ; (২) সচিব, মাদরাসা ও কারিগরি শিক্ষা বিভাগ,^{১০} শিক্ষা মন্ত্রণালয় (৩) সচিব, প্রাথমিক ও গণশিক্ষা বিভাগ, শিক্ষা মন্ত্রণালয় পদাধিকার বলে সহ-সভাপতি থাকবেন এবং (৪) অপর একজন জাতীয় কাউন্সিল কর্তৃক নির্বাচিত হবেন। সভাপতির অনুপস্থিতিতে দীর্ঘতম সময় সহ-সভাপতি হিসেবে দায়িত্ব পালনকারী সহ সভাপতি জাতীয় কাউন্সিল ও জাতীয় নির্বাহী কমিটির সভায় সভাপতিত্ব করবেন এবং সভার কার্যবিবরণী অনুমোদন করবেন^{১১}।

২৯। প্রধান জাতীয় কমিশনার

জাতীয় কাউন্সিলের সুপারিশক্রমে বাংলাদেশের চীফ স্কাউট স্বাক্ষরিত সনদ বলে জাতীয় কমিশনার হিসেবে দক্ষতার সাথে দায়িত্ব পালন করেছেন

বাংলাদেশ স্কাউটস এর গঠন ও নিয়ম

ব্যক্তিদের মধ্য থেকে একজন ৩ (তিন) বছরের জন্য প্রধান জাতীয় কমিশনার নিযুক্ত হবেন। মেয়াদান্তে তিনি এ পদে পুনঃনিযুক্ত হতে পারবেন^৩। কার্যকালের মেয়াদ শেষ হওয়ার আগে প্রধান জাতীয় কমিশনার এর পদ শূন্য হলে জাতীয় কাউন্সিলের পরবর্তী বার্ষিক সাধারণ সভা পর্যন্ত জাতীয় নির্বাহী কমিটির সুপারিশে চীফ স্কাউট কর্তৃক অনতিবিলম্বে একজন জাতীয় কমিশনার প্রধান জাতীয় কমিশনার নিযুক্ত হবেন।

৩০। প্রধান জাতীয় কমিশনারের দায়িত্ব

- (ক) প্রধান জাতীয় কমিশনার বাংলাদেশে স্কাউট আন্দোলনের উন্নয়ন ও সম্প্রসারণের জন্য 'গঠন ও নিয়ম' এর যথাযথ অনুসরণ সম্পর্কে জাতীয় কাউন্সিল ও চীফ স্কাউট এর কাছে দায়ী থাকবেন^২।
- (খ) তিনি বাংলাদেশে স্কাউট আন্দোলনের উন্নতি বিধান এবং জাতীয় সদর দফতরের সুষ্ঠু পরিচালনা নিশ্চিত করবেন।
- (গ) তিনি জাতীয় নির্বাহী কমিটির সহায়তায় সংগঠনের তহবিল ও সম্পত্তির হেফাজত, কর্মচারী নির্বাচন ও নিয়োগ ইত্যাদি বিষয়ে প্রশাসনিক ব্যবস্থা গ্রহণ করবেন।
- (ঘ) তিনি অঞ্চল থেকে প্রাপ্ত সুপারিশ বিবেচনা করে প্রেসিডেন্ট'স স্কাউট ও প্রেসিডেন্ট'স রোভার স্কাউট অ্যাওয়ার্ড সম্পর্কিত বিষয়ে চীফ স্কাউটের নিকট সুপারিশ করবেন। প্রয়োজনবোধে তিনি এ ব্যাপারে উপযুক্ত ব্যক্তি বা ব্যক্তিবর্গের সহায়তা গ্রহণ করবেন।
- (ঙ) তিনি প্রধানমন্ত্রীর কাছে 'শাপলা কাব অ্যাওয়ার্ড' সম্পর্কিত বিষয়ে সুপারিশ করবেন। এছাড়া অন্যান্য অ্যাওয়ার্ড প্রদান করবেন। প্রয়োজনবোধে এ ব্যাপারে উপযুক্ত ব্যক্তি বা ব্যক্তিবর্গের সহায়তা গ্রহণ করবেন^২।
- (চ) তিনি সংগঠনের কার্যাবলী সুষ্ঠু পরিচালনার উদ্দেশ্যে উপযুক্ত ব্যক্তিবর্গের সহায়তা ও সহযোগিতা লাভের জন্য বিভিন্ন জাতীয় কমিশনার এবং অন্যান্য পদ নিয়মানুযায়ী পূরণ করবেন।
- (ছ) তিনি জাতীয় ও আঞ্চলিক কমিশনারের কোন পদ শূন্য হলে তাঁর কাজ চালিয়ে নেয়ার জন্য 'গঠন ও নিয়ম' এর বিধান মোতাবেক কারো উপর সে দায়িত্ব ন্যস্ত করবেন।
- (জ) তিনি তাঁর নিকট উপস্থাপিত স্কাউটিং সংক্রান্ত যাবতীয় বিষয়ে বিধি মোতাবেক সিদ্ধান্ত দেবেন এবং প্রয়োজনানুযায়ী বাংলাদেশ স্কাউটসের সভাপতি মহোদয়কে অবহিত করবেন। অনুরূপভাবে তিনি জাতীয় নির্বাহী কমিটিকেও অবহিত করবেন^৩।

বাংলাদেশ স্কাউটস এর গঠন ও নিয়ম

৩১। কোষাধ্যক্ষ

- (ক) বাংলাদেশ স্কাউটসের একজন কোষাধ্যক্ষ থাকবেন। তিনি জাতীয় কাউন্সিলের ত্রৈ-বার্ষিক সাধারণ সভায় নির্বাচিত হবেন।
- (খ) তিনি নিম্নরূপ দায়িত্ব পালন করবেন :
- ১) সংগঠনের তরফ থেকে সকল প্রকার আর্থিক লেনদেন করবেন এবং সংগঠনের প্রয়োজনে ব্যয়িত অর্থের যথাযথ হিসাব সংরক্ষণের নিশ্চয়তা বিধান করবেন।
 - ২) প্রধান জাতীয় কমিশনার অথবা সভাপতির লিখিত নির্দেশ ব্যতীত বাজেট বহির্ভূত কোন ব্যয়ের জন্য অর্থ প্রদান করবেন না।
 - ৩) নির্বাহী পরিচালকের সহায়তায় সংগঠনের বার্ষিক বাজেট প্রণয়ন ও উপস্থাপন করবেন।
 - ৪) মাঝে মাঝে সংগঠনের আয়-ব্যয়ের হিসাব পরীক্ষা এবং পরিস্থিতি সম্পর্কে তাঁর মতামতসহ প্রধান জাতীয় কমিশনার ও নির্বাহী কমিটিকে অবহিত রাখবেন।
 - ৫) বার্ষিক কাউন্সিলের সাধারণ সভায় সংগঠনের অর্থ বিষয়ক মুখপাত্র হিসেবে কাজ করবেন।

৩২। জাতীয় কমিশনার

- (ক) প্রধান জাতীয় কমিশনারের কার্যাবলী পরিচালনায় সহায়তাদানের জন্য প্রধান জাতীয় কমিশনারের সুপারিশক্রমে চীফ স্কাউট কর্তৃক প্রদত্ত সনদপত্র দ্বারা অনধিক ২০(কুড়ি)^{১০} জন জাতীয় কমিশনার নিযুক্ত করা যেতে পারে। জাতীয় কমিশনারগণ তাঁদের উপর অর্পিত কাজ-কর্ম পরিচালনার জন্য প্রধান জাতীয় কমিশনারের নিকট দায়ী থাকবেন।
- (খ) জাতীয় কমিশনারগণ অঞ্চল, জেলা, মেট্রোপলিটন জেলা বা উপজেলা/থানা স্কাউটসের কোন নির্বাচিত পদ গ্রহণ করতে পারবেন না^{১১}।

৩৩। জাতীয় উপ-কমিশনার

প্রত্যেক জাতীয় কমিশনারের কাজে সহযোগিতা প্রদানের জন্য এক বা একাধিক জাতীয় উপ-কমিশনার থাকতে পারবেন। জাতীয় উপ-কমিশনারগণ সংশ্লিষ্ট জাতীয় কমিশনারদের সুপারিশক্রমে প্রধান জাতীয় কমিশনার কর্তৃক নিযুক্ত হবেন। তাঁরা সংশ্লিষ্ট জাতীয় কমিশনারের নিকট নিজ নিজ কাজের জন্য দায়ী থাকবেন। জাতীয় উপ-কমিশনারের মোট সংখ্যা ৪০(চল্লিশ)^{১০} জনের বেশি হতে পারবে না।

৩৪। নির্বাহী পরিচালক^১

বাংলাদেশ স্কাউটস এর গঠন ও নিয়ম

বাংলাদেশ স্কাউটসের একজন নির্বাহী পরিচালক থাকবেন এবং তিনি নিম্নবর্ণিত দায়িত্ব পালন করবেন :

- ১) জাতীয় কাউন্সিল, জাতীয় নির্বাহী কমিটি ও প্রধান জাতীয় কমিশনার কর্তৃক তাঁর উপর ন্যস্ত দায়িত্ব সম্পাদন;
- ২) সভাপতি/সহ-সভাপতি ও প্রধান জাতীয় কমিশনারের নির্দেশ মোতাবেক সকল সভার নোটিশ প্রেরণ, কার্যবিবরণী লিখন ও গৃহীত প্রস্তাবসমূহ বাস্তবায়ন;
- ৩) জাতীয় সদর দফতরের কাজকর্ম, চিঠিপত্র, রেকর্ড এবং স্টাফ সম্পর্কিত বিষয় তদারক;
- ৪) বাংলাদেশ স্কাউটসের স্থাবর-অবস্থাবর সম্পত্তির হেফাজত এবং এর সকল বিষয়ে প্রধান জাতীয় কমিশনারকে অবহিতকরণ;
- ৫) বরাদ্দকৃত বাজেটের মধ্য থেকে নির্বাহী কমিটি কর্তৃক প্রদত্ত আর্থিক ক্ষমতা অনুযায়ী বিল মঞ্জুর;
- ৬) জাতীয় সদর দফতরের আয়-ব্যয়ের হিসাব সংরক্ষণ, তদারক এবং পরিস্থিতি সম্পর্কে মতামতসহ কোষাধ্যক্ষকে অবহিতকরণ;
- ৭) সংগঠনের বার্ষিক বাজেট প্রণয়নে কোষাধ্যক্ষকে সর্বাঙ্গিক সহায়তা প্রদান;
- ৮) চার্টার (Charter), সনদ (Warrant) স্কাউট অ্যাওয়ার্ড (Award) বিতরণের এবং স্কাউট ব্যাজ তৈরি ও সরবরাহের ব্যবস্থা;
- ৯) বিভিন্ন শাখা ও স্তরের সংগঠনের নিকট স্কাউটিং সংক্রান্ত তথ্য ও নির্দেশাবলী প্রেরণ এবং সেখান থেকে পরিসংখ্যান ও তথ্যাদি সংগ্রহ;
- ১০) বাংলাদেশ স্কাউটসের প্রকাশনা সংক্রান্ত নির্বাহী দায়িত্ব পালন;
- ১১) বিশ্ব স্কাউট সংস্থাসহ বিভিন্ন দেশের স্কাউট সংস্থার সঙ্গে সাধারণ সংযোগ রক্ষা;
- ১২) প্রধান জাতীয় কমিশনার কর্তৃক প্রদত্ত অন্যান্য দায়িত্ব পালন।

৩৫। তহবিল পরিচালনা

কোষাধ্যক্ষ ও জাতীয় নির্বাহী কমিটি কর্তৃক মনোনীত দু'জনের মধ্যে যে কোন একজনের যৌথ স্বাক্ষরে ব্যাংকের হিসাব পরিচালিত হবে।

৩৬। স্কাউট পরিসংখ্যান

প্রতি বছর ৩১ ডিসেম্বরের মধ্যে উপজেলা/থানা স্কাউটস বিভিন্ন গ্রুপ/ইউনিট থেকে পরিসংখ্যান সংগ্রহ করে তা ১৫ জানুয়ারির মধ্যে জেলা স্কাউটসে প্রেরণ করবে। জেলা স্কাউটস নিজ এলাকাধীন উপজেলা/থানা স্কাউটস থেকে প্রাপ্ত এসব পরিসংখ্যান প্রতিবেদন ২৫ জানুয়ারির মধ্যে আঞ্চলিক স্কাউটসে প্রেরণ

বাংলাদেশ স্কাউটস এর গঠন ও নিয়ম

করবে এবং আঞ্চলিক স্কাউটস ২৮ ফেব্রুয়ারির মধ্যে সেগুলো জাতীয় সদর দফতরে প্রেরণ করবে।